

AWDURDOD TÂN AC ACHUB GOGLEDD CYMRU
PANEL GWEITHREDOL

Cofnodion **Panel Gweithredol** Awdurdod Tân ac Achub Gogledd Cymru a gynhaliwyd ddydd Llun 16 Mawrth 2026 yn rhithwir dros Zoom. Dechreuodd y cyfarfod am 14.00 o'r gloch.

Cynghorydd

Dylan Rees (Cadeirydd)
Mark Young (Dirprwy
Gadeirydd)
Carol Beard
Paul Cunningham
Chris Hughes
John Ifan Jones
Charlie McCoubrey
Gareth A Roberts
Gareth Williams
Antony Wren

Yn cynrychioli

Cyngor Sir Ynys Môn

Cyngor Sir Ddinbych
Cyngor Bwrdeistref Sirol Conwy
Cyngor Sir y Fflint
Cyngor Bwrdeistref Sirol Conwy
Cyngor Sir Ynys Môn
Cyngor Bwrdeistref Sirol Conwy
Cyngor Sir Gwynedd
Cyngor Sir Gwynedd
Cyngor Sir y Fflint

Hefyd yn bresennol:

Dawn Docx
Helen MacArthur
Anthony Jones
Llinos Evans
Dafydd Edwards
Gareth Owens
Dan Stephens

Ros Thomas
Steve Morris
Heledd Davies
Lisa Allington

Prif Swyddog Tân
Prif Swyddog Tân Cynorthwyol
Prif Swyddog Tân Cynorthwyol
Pennaeth Cyfathrebu Corfforaethol
Trysorydd
Clerc a Swyddog Monitro
Prif Gynghorydd ac Arolygydd Tân ac Achub
Cymru
Pennaeth yr Ystafell Reoli
Pennaeth TGCh
Atebol - Cyfieithydd
Cynorthwydd Gweithredol

1.0 YMDDIHEURIADAU

Cynghorydd

Alan Hughes
Paul Rogers
Dale Selvester

Justin Evans
Elgan Roberts

Yn cynrychioli

Cyngor Sir Ddinbych
Cyngor Sir Wrecsam
Cyngor Sir y Fflint

Prif Swyddog Tân Cynorthwyol
Pennaeth Cyllid a Chaffael

YN ABSENNOL

Cynghorydd

Rondo Roberts

Yn cynrychioli

Cyngor Sir Wrecsam

2.0 DATGANIADAU O FUDDIANT

2.1 Nid oedd unrhyw ddatganiadau o fuddiant.

3.0 HYSBYSIAD O FATERION BRYD

3.1 Nid oedd unrhyw hysbysiadau o faterion bryd.

4.0 COFNODION Y CYFARFOD A GYNHALIWYD AR 15 RHAGFYR 2025

4.1 Cyflwynwyd cofnodion y cyfarfod a gynhaliwyd ar 15 Rhagfyr 2025 i'w cymeradwyo. Cynigiwyd eu bod yn gofnod gwir a chywir o'r trafodion. Eiliwyd hyn a'i basio gyda phawb o blaid.

4.2 Cynghorodd y Cadeirydd fod y trefniadau llywodraethiant newydd bellach wedi'u cadarnhau a bod llythyr gan Ysgrifennydd y Cabinet dros Dai a Llywodraeth Leol wedi'i anfon at yr Aelodau yn amlinellu'r trefniadau hyn.

4.3 Cynghorodd y PST fod yr ymateb i'r ymgynghoriad i Lywodraeth Cymru ar gyfer y Fframwaith Cenedlaethol ar gyfer Gwasanaethau Tân ac Achub wedi'i gyflwyno, a bod Llywodraeth Cymru wedi cadarnhau'r fframwaith newydd a fyddai'n cael ei weithredu o ddiwedd mis Mawrth 2026.

4.4 PENDERFYNWYD:

i) cymeradwyo bod y cofnodion yn gofnod gwir a chywir o'r cyfarfod a gynhaliwyd.

5.0 AROLYGIAD PRIF GYNGHORYDD AC AROLYGYDD TÂN AC ACHUB CYMRU O YSTAFELL RHEOLI TÂN AR Y CYD DE CYMRU A CHANOLBARTH A GORLLEWIN CYMRU AC YSTAFELL RHEOLI TÂN GOGLEDD CYMRU MEWN YMATEB I ARGYMHELLIAD 31 YMCHWILIAD TŴR GRENFELL CAM 2

5.1 Croesawyd Dan Stephens, Prif Gynghorydd ac Arolygydd Tân ac Achub Cymru, i'r cyfarfod a chyflwynodd ei Arolygiad o Ystafell Rheoli Tân ar y Cyd De Cymru a Chanolbarth a Gorllewin Cymru ac Ystafell Rheoli Tân Gogledd Cymru mewn ymateb i Argymhelliad 31 Cam 2 Ymchwiliad Tŵr Grenfell.

5.2 Roedd yr adroddiad hwn yn cyflwyno diweddariad yn dilyn cyhoeddi adroddiad arolygu'r Prif Gynghorydd ac Arolygydd o'r enw "Arolygiad o Ystafell Rheoli Tân ar y Cyd De Cymru a Chanolbarth a Gorllewin Cymru ac Ystafell Rheoli Tân Gogledd Cymru mewn ymateb i Argymhelliad 31 Ymchwiliad Tŵr Grenfell Cam 2".

5.3 Diolchodd y Cadeirydd i'r Prif Gynghorydd ac Arolygydd am ei adroddiad cynhwysfawr a chroesawodd y cyfle i wella cyfleusterau Ystafell reoli yng Ngogledd Cymru o ganlyniad.

5.4 Gofynnodd Aelod a ellid cadarnhau bod yr argymhellion yn yr adroddiad yn deillio o'r angen i gryfhau gwydnwch a gallu hyfforddi yn yr Ystafell Reoli, yn hytrach na mynd i'r afael ag unrhyw fethiannau gweithredol. Cadarnhaodd y Prif Gynghorydd ac Arolygydd fod Argymhelliad 3 wedi'i greu o amgylch yr angen i ddarparu'r cyfleoedd gorau i Dîm Rheoli'r Ystafell Reoli, ac yn enwedig i'r Swyddog Hyfforddi, i ddarparu hyfforddiant o safon. Gan fod gweithgarwch yr ochr weithredol yn tueddu i fod yn is yn ystod y dydd, byddai cael mwy o bobl ar ddyletswydd yn ystod y dydd wedyn yn ei gwneud hi'n haws i Ddiffoddwyr Tân yr Ystafell Reoli gael mynediad at hyfforddiant.

5.5 **PENDERFYNWYD:**

- i) **Nodi cynnwys yr adroddiad; a**
- ii) **Nodi bod cynllun gweithredu wedi'i roi ar waith i ystyried argymhellion arolygiad y Prif Gynghorydd ac Arolygydd.**

6.0 **MONITRO PERFFORMIAD, EBRILL 2025 – RHAGFYR 2025**

6.1 Cyflwynodd y PSTC Anthony Jones bapur Monitro Perfformiad, Ebrill 2025 – Rhagfyr 2025 i'r Aelodau gan roi'r wybodaeth ddiweddaraf am berfformiad ar gyfer y cyfnod 1 Ebrill 2025 – 31 Rhagfyr 2025 (chwarter 1 - 3 blwyddyn ariannol 2025/26). Mae'r mesurau perfformiad yn adlewyrchu'r pum egwyddor allweddol a amlinellir yn y Cynllun Gweithredu Rheoli Risg Cymunedol (CGRhRC) ar gyfer blwyddyn ariannol 2025/26 ac maent yn cynnwys sylwebaeth ar dueddiadau sy'n dod i'r amlwg a chamau gweithredu ar gyfer y dyfodol.

6.2 Gofynnwyd a oedd y Gwasanaeth yn defnyddio'r tueddiadau clir mewn data yn yr adroddiad hwn i lywio ei gynllunio a'i gyflawni, a chadarnhaodd y PSTC Jones ei fod wedi gwneud hynny, ynghyd â gweithio mewn partneriaeth ar sail Cymru gyfan.

6.3 Gofynnwyd ymhellach a oedd y mecanweithiau cofnodi gofynnol ar waith i nodi tueddiadau mewn technolegau sy'n dod i'r amlwg, a chadarnhaodd y PSTC Jones fod aelodau Tîm yr ystafell reoli yn rhan o waith cydweithredol cenedlaethol yn datblygu plattform data Tân ac Achub i sicrhau bod y data a adroddwyd mor gywir â phosibl. Roedd yn parhau i fod yn faes ffocws allweddol i Wasanaeth Tân ac Achub Gogledd Cymru (y Gwasanaeth).

6.4 Cadarnhaodd y PST y byddai cyflwyniad ynghylch gwaith atal yn cael ei gynnal cyn cyfarfod llawn nesaf Awdurdod Tân ac Achub Gogledd Cymru (yr Awdurdod) i roi mwy o wybodaeth i'r Aelodau mewn perthynas â'r gwaith a wnaed o amgylch atal a gweithio mewn partneriaeth. Byddai'r fersiwn nesaf o'r Cynllun Rheoli Risg Cymunedol hefyd yn dangos ble y dylid canolbwyntio adnoddau i ddelio ag unrhyw dueddiadau.

6.5 Nododd Aelod fod cyllideb 2026/27 eisoes wedi'i gosod a gofynnodd a oedd y Gwasanaeth wedi'i ariannu'n briodol i ddelio â'r cynnydd cyffredinol mewn tanau yr aethpwyd atynt, gan gynnwys tanau gwyllt. Cadarnhaodd y PST fod y Gwasanaeth wedi gosod cyllideb a fyddai'n galluogi darparu adnoddau ar gyfer blwyddyn gyffredin; fodd bynnag, byddai cyfathrebu'n digwydd â chynghorau cyfansoddol mewn perthynas â blynyddoedd dilynol i dynnu sylw at y cynnydd mewn tueddiadau a'r cyllid y byddai ei angen i ymdrin â'r cynnydd hwnnw. Eglurwyd bod swyddogion yn fodlon â'r gyllideb ar gyfer 2026/27.

6.6 **PENDERFYNWYD:**

i) Nodi cynnwys yr Adroddiad Monitro Perfformiad.

7.0 CYNLLUN GWEITHREDU RHEOLI RISG CYMUNEDOL 2026/27

7.1 Cafwyd trosolwg gan y PSTC Anthony Jones o'r adborth a gafwyd o'r ymgynghoriad cyhoeddus ar Gynllun Gweithredu Rheoli Risg Cymunedol 2026-2027 a'r Asesiad o'r Effaith ar Gydraddoldeb cysylltiedig, ac i geisio cymeradwyaeth i'r fersiwn derfynol o'r dogfennau uchod.

7.2 Gofynnwyd a oedd helpu cymunedau i ddod yn fwy gwydn yn faes ffocws i'r Gwasanaeth. Cadarnhaodd y PSTC Jones y byddai, a bod fforwm gwydnwch lleol Gogledd Cymru yn ymwybodol iawn o'r angen i gefnogi cymunedau lleol i ddatblygu eu gwydnwch sifil, a'i fod yn rhan annatod o'r broses gynglunio ar gyfer y Gwasanaeth.

7.3 **PENDERFYNWYD:**

i) Nodi cynnwys yr adroddiad adborth; a

ii) Cymeradwyo Cynllun Gweithredu Rheoli Risg Cymunedol 2025–26 sydd wedi'i atodi a'r Asesiad o'r Effaith ar Gydraddoldeb cysylltiedig i'w cyhoeddi.

8.0 DATGANIAD POLISI TÂL 2026/27

8.1 Cyflwynodd y PSTC Helen MacArthur y Datganiad Polisi Tâl ar gyfer 2026/27 a oedd yn ceisio hysbysu Aelodau'r Awdurdod o'u cyfrifoldebau yn deillio o Ddeddf Lleoliaeth 2011 (y Ddeddf).

8.2 Nodwyd bod y Ddeddf yn ei gwneud yn ofynnol i'r Awdurdod baratoi Datganiad Polisi Tâl blynyddol i'w gymeradwyo cyn dechrau'r flwyddyn ariannol dan sylw.

8.3 Roedd y papur hefyd yn nodi'r Datganiad Polisi Tâl arfaethedig ar gyfer 2026/27 oedd yn gyson â blynyddoedd blaenorol.

- 8.4 Cadarnhaodd y PSTC MacArthur, ers i'r adroddiad gael ei ddrafftio, fod cadarnhad o achrediad y Gwasanaeth fel cyflogwr Cyflog Byw Gwirioneddol wedi'i gadarnhau.
- 8.5 Nododd Aelod fod yr adroddiad Bwlch Cyflog Rhywedd wedi cael ei gyflwyno i'r Aelodau yn ddiweddar a gofynnodd a oedd cydraddoldeb cyflog rhwng y rhyweddau. Cadarnhaodd y PSTC MacArthur fod yna gydraddoldeb cyflog, a bod y rheswm dros y bwlch rhwng rhywedd yn ymwneud â nifer y personél o wahanol ryweddau mewn rolau gwahanol yn hytrach na diffyg cydraddoldeb cyflog. Fodd bynnag, wrth i fwy o ddiffoddwyr tân benywaidd ymuno â'r gwasanaeth a symud ymlaen trwy'r rhengoedd, byddai'r bwlch hwn yn lleihau yn unol â hynny.
- 8.6 **PENDERFYNWYD:**
- i) **Nodi gofynion Deddf Lleoliaeth 2011; a**
 - ii) **Cymeradwyo'r Datganiad Polisi Tâl ar gyfer blwyddyn ariannol 2026/27.**

9.0 MATERION BRYS

- 9.1 Nid oedd unrhyw faterion brys i'w trafod.

Cynigiwyd y dylai'r cyfarfod symud ymlaen i Ran II a chynigiwyd ac eiliwyd hyn gyda phawb o blaid. Daeth y ffrwd fyw i ben.

Daeth Rhan I i ben am 14:45

RHAN II

10.0 RÔL Y TRYSORYDD (ADRAN 151)

- 10.1 Cyflwynodd y Trysorydd Ran II y papur i'r Aelodau ynghylch newidiadau arfaethedig i rôl Trysorydd yr Awdurdod (Swyddog Adran 151), sef rôl statudol sy'n gyfrifol am weinyddu materion ariannol yr Awdurdod yn briodol.
- 10.2 Gofynnwyd i'r rhai a oedd yn bresennol yr effeithir arnynt gan y penderfyniadau i'w gwneud o dan Ran II adael y cyfarfod.
- 10.3 Eglurodd y PST Docx fod y Gwasanaeth mewn sefyllfa dda mewn perthynas â sefydlogrwydd ac arbenigedd yn ei adran gyllid, ac y byddai hwn yn amser da i ddod â dyletswyddau'r Swyddog Adran 151 yn fewnol.
- 10.4 Gofynnodd Aelod sut y byddai'r Awdurdod yn ymwneud â phenderfynu ar gydnabyddiaeth ar gyfer y Swyddog Adran 151, ac a fyddai trosglwyddiad effeithlon cyn i Dafydd adael.
- 10.5 Eglurodd y PST mai'r bwriad oedd i'r trefniant newydd aros yn niwtral o ran cost i'r Awdurdod ac y byddai ffigurau'n cael eu darparu pe bai aelodau'r Panel Gweithredol yn argymhell y dylid bwrw ymlaen â'r cynnig.
- 10.6 O ran trosglwyddo, roedd Llywodraeth Cymru wedi cyngori y byddent yn debygol o recriwtio'r Aelodau ychwanegol mewn perthynas â'r trefniadau llywodraethiant newydd ym mis Medi 2026. Felly, dylid gwybod mewn da bryd pwy fyddai'n ymgymryd â dyletswyddau cyllid ac felly byddent yn gallu gweithio ochr yn ochr â'r deiliad presennol i sicrhau trosglwyddiad effeithlon cyn i'w contract ddod i ben.
- 10.7 **PENDERFYNWYD:**
- i) **Cefnogi'r trefniadau arfaethedig ar gyfer mewnoli rôl statudol Swyddog Adran 151 ac argymhell cymeradwyo'r penodiadau gan yr Awdurdod llawn ar 20 Ebrill 2026; a**
 - ii) **Caniatáu i'r Clerc gael ei awdurdodi i ddiweddarau cyfeiriadau at y Trysorydd o fewn y Cyfansoddiad yn unol â hynny**

Daeth Rhan II i ben am 14:55 o'r gloch